

**Govor prvog zamjenika predsjedatelja Doma naroda Parlamentarne skupštine BiH
Safeta Softića na Promidžbenoj konferenciji gospodarskih i investicijskih
potencijala Bosne i Hercegovine**

Istanbul, 05. travanj 2016.

"Poštovane dame i gospodo,

Velika mi je čast i zadovoljstvo da vam se obratim kao prvi zamjenik predsjedavajućeg Doma naroda Parlamentarne skupštine BiH na ovoj promotivnoj konferenciji bh.privrednih i investicijskih potencijala i smatram da će ova konferencija doprinijeti boljem razvoju odnosa između Bosne i Hercegovine i Turske.

Želim istaknuti da napori koji se čine u smjeru privrednog razvoja jesu ključni parametri ocjene da je Bosna i Hercegovina na pravom putu. Mi s Turskom imamo visok nivo ekonomske saradnje a posebno zadnjih godina značajno je povećan izvoz u Tursku. Posebno smo zahvalni Turskoj što je otvorila kvotu za uvoz mesa iz BiH te se nadamo da će vrlo brzo proizvodnja u BiH porasti, što bi za naše poljoprivrednike bilo izuzetno značajno.

Obim trgovine između BiH Turske je oko 500 miliona eura i nadamo se da će se i povećati. Turske kompanije mogu ostvariti veći doprinos u izgradnju infrastrukture u BiH kao što je npr. proširenje kapaciteta sarajevskog aerodroma što bi predstavljalo veliku prednost za BiH.

Posebnu zahvalnost želim uputiti predsjedniku Turske što je prošle godine posjetio BiH i sa sobom doveo veliki broj privrednika, ljudi koji su spremni i hoće ulagati u našu zemlju.

Tom prilikom istaknuo je da je Turska odlučna da smanji deficit između dvije zemlje kada je u pitanju uvoz i izvoz, najavljujući da će se tursko ulaganje u BiH i dalje nastaviti posebno preko Turske razvojne agencije. Želim istaknuti da je zvaničan stav vlasti u Bosni i Hercegovini, a koji se odnosi na investicije i strana ulaganja, više nego pozitivan te da smo opredijeljeni da učinimo sve kako bismo podržali strana ulaganja u našu zemlju i donijeli sve zakonske propise kao olakšicu za prevazilaženje svih barijera za strana ulaganja.

Na kraju želim kazati da su odnosi između BiH i Turske prijateljski, o čemu govori i 700 projekata i 300 miliona KM za projekte obnove koje je Turska dala preko Turske razvojne agencije.

Zato još jednom želim da vam se zahvalim i pozovem sve vaše privrednike da investiraju u Bosnu i Hercegovinu s naglaskom da su svi vaši investicijski projekti u našoj zemlji dobro došli.

HVALA." (kraj)